



*Les enfans de Iacob retournent vers Ioseph , qui les reçoit gracieusement ;
ils luy presentent Benjamin , puis il les festoye.*

R les enfans de Iacob estans descendus en Egypte , se presenterent deuant Ioseph , lequel voyant Benjamin avec eux les receut humainement , carressa entr'autres Benjamin , & demanda si leur pere estoit encore viuant ; puis donna charge à son Maistre d'Hostel de les mener , & d'apprester le repas , & qu'il vouloit manger avec eux. Mais ils craignirent , & parlerent à l'homme qui les menoit , disans : Seigneur , nous auons trouué l'argent dont nous auions achepté le bled à nostre premier voyage , dedans nos sacs , & l'auons rapporté pour le rendre. Et il leur dit , Tout va bien pour vous , ne craignez point : car vostre Dieu , & le Dieu de vostre pere , vous a donné les thresors en vos sacs. Lors on leur ramena Simcon qui estoit prisonnier : Puis Ioseph vint à eux , qui receut les presens de ses freres. Et contemplant Benjamin , fils de sa mesme mere Rachel , luy dit ; Mon fils , Dieu te soit misericordieux ; puis se retira pour pleurer ; mais ayant lauë sa face , retourna vers eux , & les fit seoir à table selon leur degré , les festoyant fort honorablement à part , d'autant qu'il n'est permis aux Egyptiens de manger avec les Hebrieux , & pensent tel banquet estre profane. Or ils s'émerueilloient du bon traictement qu'ils receuoient de Ioseph : mais la portion de Benjamin estoit de cinq fois autant.

Genese 43. Chap.